



Den nos Aruba di Antaño nos a mira hopi di e cosnan cu awe nan kier pronk cune den e tempo moderno cu e atraccionnan pa nos visitantenan. Loke bo por mira den e grafico di awe ta un tipo di luz cu a ser utiliza pa duna e dimension na e edificionan moderno cu tin dilanti di e kazernestraat y tambe den e havenstraat. E tipo di luz aki a pone nos corda riba e tipo di luz cu tabatin na algun caya den Playa, esta e tempo prome cu nos a bin haya Electra cual tabata e compania local, cu despues a pasa pa duna lugar na Elmar. Esakinan tabata un tipo di luz cu hasta ta ser bisa cu ta duna su iluminacion pa medio di gas. Esaki tambe ta corda nos riba e pelicula di Charles Boye cu Ingrid Bergman cual ta Gaslight.

Awe e luznan ta dorna Playa, pero tambe a keda hopi den scuridad, y cu ainda ta mira spiritu. Pasobra desde cu e iluminacion a bini el a bai tambe cu e tempo di Aruba su Antaño, caminda hopi hende tabata comenta di e mira spiritu riba e anochi anterior. Papiando di luz ta di menciona cu den e Aruba di Antaño e polisnan mabamba tabata di un manera inculca mas responsabilidad den e muchanan cu nan bicicleta y tambe esnan cu ta corre nan vehiculo awendia cu un banda di wowo so (esta luz) y hopi cu riba carretera den oranan di anochi no ta responde ora cu un otro vehiculo pidie pa e cambia su bright pa dim. E respet y disciplina tabata mas demostra cu den e tempo di awor. Bo bicicleta meter tin su bon luz cu su dinamo, su pito, su brakenan y su number. Esnan di awendia no tin brake, no tin luz, no tin warda-lodo, no tin pito; ademá ta corre den luz corra y den verboden. Bo a mria cuanto cos un obheto por trece na nos conocimiento.